

## CONVOCATORIA PROGRAMA DE PATROCINIOS DE LLABORAL CINEMATECA PA PROYECTOS CINEMATOGRÁFICOS

### EL PROYECTU

Llaboral Cinemateca ye una iniciativa polifacética y abierta de Llaboral Ciudá de la Cultura, dedicada n'esclusiva al cine, promovida pola Conseyería de Cultura, Política Llingüística y Turismu al traviés de la Sociedá Pública de Xestión y Promoción Turística y Cultural del Principáu d'Asturies (d'equí p'arriba SPXP).

Llaboral Cinemateca, per una parte, pretende estimular el conocimientu del arte cinematográficu na so dimensión cultural, xeográfica y histórica y en toles sos facetes y xéneros, per aciu de l'averamientu y l'espardimientu de les sos obres al traviés de programes de proyecciones fílmiques, seminarios, actividaes educatives y otres iniciatives especiales.

Per otra, y non menos importante, Llaboral Cinemateca constituye tamién un serviciu públicu pal sector creativu cinematográficu y audiovisual asturianu al traviés de Llaboral Cinemateca Curtios.

Ente los oxetivos principales de Llaboral Cinemateca tán:

- Programación de proyecciones, actividaes educatives, seminarios y conferencies cola mira de formar nel arte cinematográficu y espublizalu con criterios d'estratexa cultural al serviciu de tola sociedá asturiana.
- Atracción de públicos nuevos hacia la cultura cinematográfica y audiovisual.
- Collaboración con otres instituciones y alministraciones de la xeografía asturiana pa la organización conxunta de programación cinematográfica.
- Apoyu a la creación de películes y curtiumetraxes realizaos n'Asturies, mesmo que'l so espardimientu y promoción en mercaos y festivales.

### 1.- OXETU DE LA CONVOCATORIA

El Programa de Patrocinios de Llaboral Cinemateca pa Proyectos Cinematográficos tien como oxetivu vincular y asociar la imaxe de Llaboral Cinemateca cola industria audiovisual del Principáu d'Asturies per aciu de la participación como patrocinador nel desenvolvimientu de proyectos cinematográficos, bien llargumetraxes o curtiumetraxes, tanto de ficción como de non ficción, de valor creativu singular que se realicen n'Asturies.

Quedaríen escluyíos d'esta convocatoria aquellos de calter puramente publicitariu, promocional o periodísticu.

Per aciu d'esta convocatoria establécense les bases y requisitos que van rexir la mesma, asina como'l procedimientu pa la selección de los proyectos cinematográficos

que van ser oxetu de patrocinu publicitariu con respetu a los principios de publicidá, llibre concurrencia y oxetividá.

## 2.- PUBLICACIÓN Y PUBLICIDÁ

Esta convocatoria y bases, mesmo que la resolución del procedimientu, van publicase na páxina Web de Llaboral Cinemateca ([www.laboralcinemateca.es](http://www.laboralcinemateca.es)) ensin perxuiciu de los medios complementarios d'espardimientu que la SPXP considere utilizar.

## 3.- DOTACIÓN PRESUPUESTARIA

Con cargu al presupuestu d'esplotación de la SPXP, autorízase la participación directa d'esta como patrocinadora d'obres cinematográfiques por una cuantía máxima total de 35.800 euros, que van distribuyise ente un máximu de cuatro proyectos.

Establécense 2 tipos de patrocinios:

- A) TIPOLOXÍA A. Llargumetraxes de ficción o non ficción. Máximu de dos proyectos seleccionables. L'importe de los patrocinios de los proyectos d'esta tipoloxía nun va poder superar individualmente'l preciu de 14.900 euros.
- B) TIPOLOXÍA B. Curtiumetraxes de ficción o non ficción. Máximu de dos proyectos seleccionables. L'importe de los patrocinios d'esta tipoloxía nun va poder superar individualmente'l preciu de 3.000 euros.

A eses cuantías van aplicáse-yos los impuestos correspondientes d'alcuertu cola llexislación vixente.

## 4.- SOLICITANTES

1. Les empreses (persones físiques o xurídiques) que sían productores cinematográficos o audiovisuales y que tengan la titularidá de los derechos de la obra. Tamién van poder presentar solicitú les agrupaciones d'empreses, yá sían persones físiques o xurídiques privaes o cualquier otru tipu d'unidá económica o patrimoniu separáu, que, ensin tener personalidá xurídica, puedan llevar a cabu los proyectos. Nestos casos, cada miembru de l'agrupación va tener igualmente la consideración de patrocináu. Sicasí, habrá nomase un representante con poderes bastantes pa cumplir les obligaciones que, como patrocináu, correspuenden a l'agrupación.
2. Los solicitantes de los proyectos han tener el so domiciliu o sede social permanente, o una sucursal o establecimientu permanente abiertu al públicu na Comunidá del Principáu d'Asturies, o bien que'l/la director/a o el/la productor/a tenga'l so domiciliu nel Principáu d'Asturies dende polo menos un añu primero de la fecha de publicación de la convocatoria, o bien nacer na Comunidá Autónoma y/o residir nella de manera siguida mientres polo menos 5 años, o de forma discontinua mientres un mínimu de 10 años. Nel casu d'agrupaciones d'empreses, polo menos una de les partes (la mayoritaria) habrá

tar domiciliada na Comunidá Autónoma del Principáu d'Asturies.

3. Nun van poder presentar solicitú al Programa de Patrocinios de Llaboral Cinemateca aquellos proyectos que cunten cola participación de directores, productores o tenedores de derechos sobre la obra que fueren beneficiaos/es en dos convocatories consecutives inmediatamente anteriores a l'actual.
4. La cuantía solicitada nunca va poder pasar del 50 % del presupuestu total de la producción cinematográfica del proyectu.
5. Nel casu de proyectos realizaos en réxime de coproducción con otres empreses, esi reconocimientu va refirise namás al porcentaxe de participación asturiana na mesma.
6. Van poder presentase proyectos que tean tanto en fase de producción nel momentu de llanzamientu de la presente convocatoria como que yá tean producíos, pero nun s'estrenaren comercialmente.

## 5.- PRESENTACIÓN DE SOLICITÚES. DOCUMENTACIÓN A PRESENTAR

Les solicitúes han presentase exclusivamente al traviés del corréu electrónicu [info@laboralcinemateca.es](mailto:info@laboralcinemateca.es).

Documentación qu'hai que presentar:

1. Formulariu oficial de participación na convocatoria, per aciu del modelu establecíu n'ANEXU I.
2. Copia del DNI de la persona física solicitante. Nel casu de persona xurídica, copia del DNI del representante llegal y CIF.
3. Certificáu d'empadronamientu.
4. Autorización espresa del propietariu de los derechos de la obra.
5. Declaración responsable col presupuestu total del proyectu.
6. Declaración responsable sobre otros patrocinios, ayudes o subvenciones solicitaes o concedíes pal mesmu proyectu presentáu.
7. Nel casu d'agrupaciones (coproducción), declaración responsable acreitando la condición de coproductor/a mayoritariu, indicando porcentaxe de participación y datos fiscales del coproductor minoritariu.

8. Dossier descriptivu del proyectu, concretando a lo menos: conteníos de la obra (sinopsis, descripción de personaxes, etc.), oxetivos y motivaciones artístiques del proyectu, interés rexonal, procesu de desenvolvimientu (plan de producción y plan de localizaciones), historial del equipu técnicu y artísticu, plan d'espardimientu y presupuestu valoráu nel que tien de ser reflexada l'aportación económica del solicitante y la cantidá solicitada.

Otramiente, ha dir acompañáu d'un plan de financiación, concretando amás aquellos alcuertos yá zarraos, apurriendo documentación acreitativa.

El modelu de dossier a seguir ye'l qu'equí se detalla:

- Ficha del proyectu:
  - Títulu
  - Duración
  - Formatu de pantalla
  - Color
  - Soníu
  - Idioma/es
  - Dirección
  - Guion
  - Producción
  - Dirección de fotografía
  - Montaxe
  - Xefe/a de soníu
  - Empresa/es productora/es
  - Entamu de rodaxe
- Sinopsis.
- Cronograma o calendariu (previsión de fases: Fase de guion y desenvolvimientu del proyectu/Preproducción/Rodaxe/Postproducción/Estrena y Distribución).
- Plan de localizaciones.
- Plan de producción
- Presupuestu y Plan de Financiación.
- Plan d'Espardimientu.
- Biofilmografíes del director, productor, guionista y los profesionales que se consideren y participen na producción, mesmo que trayectoria cinematográfica del profesional y/o empresa solicitante, incluyendo declaración responsable sobre la veracidá de los datos espuestos.
- Memoria de producción y/o dirección destacando motivaciones del proyectu, mesmo que'l so interés artísticu y rexonal.

## 6.- PRESENTACIÓN DE SOLICITÚES. SITU Y FORMA DE PRESENTACIÓN

Les solicitúes, compuestas pol formulariu oficial –según modelu del ANEXU I– y el restu de documentación riquida n'apartáu 5 d'estes bases, habrán mandase debidamente cubiertes a la dirección de corréu electrónicu [info@laboralcinematca.es](mailto:info@laboralcinematca.es), nun únicu archivu PDF, preferiblemente per aciu d'archivu comprimíu (ZIP o RAR), al traviés de sistema d'enllaz de descarga esternu

(Dropbox, Google Drive, Wetransfer o cualquier otra plataforma). El títulu del asuntu va ser “Patrocinios Llaboral Cinemateca 2022”, siguiú del nome del solicitante.

La documentación va poder ser presentada exclusivamente dende les 12:00 h del día 2 d'agostu del 2022 hasta les 23:59 hores del 15 d'agostu del 2022. Toles solicitúes unviaes en tiempu y forma van recibir un acuse de recibu nel plazu de 72 hores posterior a la so recepción.

En casu de cualquier dulda o consulta no referente a la convocatoria, solicitú o documentación a presentar, pueden contactar con LLABORAL CINEMATECA na direcció de corréu electrónicu [info@laboralcinemateca.es](mailto:info@laboralcinemateca.es) o nel teléfonu 985 185 858.

Namás se van valorar les solicitúes completes, acompañaes de tola documentación esixida na convocatoria. Cuando la solicitú o dalgunu de los documentos axuntaos a la mesma tengan dalguna información incompleta va riquise al interesáu/ada pa que, nun plazu de 5 díes, igüe la información mentada, con indicación de que si nun lo fixera daríase por desestimada la so solicitú pa la convocatoria.

## 7.- VALORACIÓN DE LOS PROYECTOS Y NOTIFICACIÓN

La Comisión de Valoración va tar integrada por trés profesionales n'activu del sector audiovisual nacional, especializaos nes sos distintos árees, non orixinarios nin residentes nel Principáu d'Asturies.

Va intervenir en calidá de secretariu/a de la Comisión de Valoración una persona designada por Llaboral Cinemateca, perteneciente a la plantiya de SPXP o Conseyería de Cultura, Política Llingüística y Turismu, ensin derechu a votu.

**Criterios de valoración.** La Comisión de Valoración, formada por trés persones, va escoyer un máximu d'un proyectu por solicitante, atendiendo a los criterios siguientes, que van ser puntuos de 0 a 5, considerando 0 como bien deficiente y 5 como escelente:

- Calidá artística y técnica del trabayu.
- Orixinalidá de la propuesta.
- Participación acreitada d'equipu técnicu natural del Principáu d'Asturies, residente n'Asturies o vinculáu profesionalmente con Asturias.
- Viabilidá técnica y artística del proyectu en relación a los medios disponibles.
- Criterios sociales: paridá d'homes y muyeres nos miembros del equipu (cuntando con polo menos un 40 % de muyeres nes distintes categorías profesionales) y incorporación al proyectu de polo menos una persona con discapacidá con un grau igual o superior al 33 % reconocíu pol organismu competente na materia.

Caúnu/a de los trés miembros de la Comisión de Valoración va emitir la so evaluación de los proyectos, otorgando ente 0 y 5 puntos en caúnu de los cinco criterios enantes señalaos. D'esta manera, cada proyectu va poder llograr un máximu de 25 puntos individuales per caúnu de los miembros de la comisión, y por tanto, un máximu de 75

puntos globales, en sumatoriu total de les trés puntuaciones individuales de los miembros de dicha comisión (25 + 25 + 25). Pa qu'un proyectu pueda ser escoyíu habrá tener una puntuación mínima de 50 puntos globales.

En valorándose tolos proyectos, la Comisión de Valoración va emitir un acta colos resultaos de la valoración de los mesmos nel que se van proponer los proyectos ameritaos pa poder ser patrocinaos y les cuantíes concedíes.

**Resolución.** La Resolución va tener llugar y va comunicase a los/les interesaos/es, enantes del 30 de setiembre del 2022, notificándose per vía e-mail a la dirección facilitada pa comunicaciones de los proyectos presentaos, y también va publicase la llista de proyectos presentaos y les sos valoraciones numbériques totales na web [www.laboralcinematca.es](http://www.laboralcinematca.es).

## 8.- DOCUMENTACIÓN A PRESENTAR POLOS PROYECTOS ESCOYÍOS

Los proyectos que fueren notificaos como proyectos escoyíos pola Comisión de Valoración, han presentar nel plazu máximu de 5 díes naturales esta documentación:

- a) Documentos qu'acrediten la personalidá del solicitante. Si'l solicitante fuera persona xurídica va acreditase per aciu de la presentación de la escritura de constitución o modificación, nel so casu, debidamente inscrita nel Rexistru Mercantil cuando esti requisitu sía exigible según la llexislación mercantil aplicable. Si esi requisitu nun fuera exigible, la capacidá d'obrar va realizase cola escritura o documentu de constitución, estatutos o acta fundacional, na que consten les normes poles que se regula la so actividá, inscritos, nel so casu, nel correspondiente Rexistru Oficial. Pa los empresarios individuales y les persones físiques va ser obligatoria la presentación de la fotocopia llexitimada notarialmente o compulsada del DNI o documentu que, nel so casu, lu sustituya reglamentariamente.
- b) Documentos qu'acrediten, nel so casu, la representación. Quien comparezan o firmen ufiertes en nome d'otru van presentar Documentu Nacional d'Identidá y poder. Esi poder habrá tar inscrite nel Rexistru Mercantil o, nel so casu, nel Rexistru Oficial correspondiente. Si se trata d'un poder p'actu concretu nun ye necesaria la inscripción nel Rexistru Mercantil, d'aluerdu col artículu 94.5 del Reglamentu del Rexistru Mercantil.
- c) Acreditación de tar al corriente d'obligaciones tributaries y cola Seguridá Social:
  - Impuestu sobre Actividaes Económiques (IAE): Alta nun epígrafe rellacionáu col oxetu de la convocatoria referida al exerciciu corriente.
  - Certificación positiva acreditativa de tar al corriente de les obligaciones tributaries col Estáu espedida pola Axencia Estatal de l'Alministración Tributaria.
  - Certificación positiva del Ente Públicu de Servicios Tributarios del Principáu d'Asturies acreditativa de tar al corriente de les obligaciones tributaries col Principáu d'Asturies.

- Certificación positiva de tar al corriente de les obligaciones cola Seguridá Social espedida pola Tesorería Xeneral de la Seguridá Social.
- Seguru de responsabilidadá civil.

Les solicitúes que, siendo escoyíos, nun acreiten dientro del plazu establecíu'l cumplimientu de les obligaciones riquies o nun presenten la documentación en plazu, van poder ser refugaes.

## 9.- FORMALIZACIÓN DE LOS CONTRATOS

Acreitaos los requisitos de participación formalizaránse los correspondientes contratos. El plazu pa la formalización d'estos contratos va ser de 14 díes naturales a cuntar dende la finalización del plazu pa la presentación de la documentación a la que fai referencia l'apartáu anterior, y van tener un duración de 18 MESES que va empezar a cuntar dende l'otru día a la fecha del contratu.

## 10.- FORMALIZACIÓN DEL PAGU

La cuantía económica axudicada a cada proyectu escoyíu va ser abonada d'esta manera:

- El 30 % del importe del contratu a trenta (30) díes naturales dende l'aceptación de los servicios emprestaos y per aciu de tresferencia bancaria al númberu de cuenta facilitáu que se va indicar na factura, pudiendo presentar la mesma desque se realice la comunicación del entamu del rodaxe al traviés de rueda de prensa oficial o formatu indicáu pola SPXP.
- El 70 % restante del importe del contratu a trenta (30) díes naturales dende l'aceptación de los servicios emprestaos y per aciu de tresferencia bancaria al númberu de cuenta facilitáu que se va indicar na factura, desque s'entregare'l proyectu y n'apurriendo una memoria descriptiva con tolos detalles técnicos y económicos del proyectu.

A estes cantidaes van aplicáse-yos los impuestos correspondientes d'alcuertu cola llexislación vixente. En dambos casos el día de pagu va ser el 28 de cada mes.

Nel casu de nun llevase a cabu'l proyectu patrocináu, o d'incumplir les obligaciones recoyies nesta convocatoria, va proceder el reintegru por parte del solicitante a SPXP de les cantidaes percibíes.

## 11.- OBLIGACIONES DE LOS PATROCINAOS

En contraprestación, el/la - los/les beneficiarios/es escoyíos dientro del Programa de Patrocinios comprométense a:

1. Añedir nos títulos de creitu del proyectu'l logotipu de Llaboral Cinemateca, al pie de la lleenda: 'con el patrocinio de Laboral Cinemateca / col patrociniu de Llaboral Cinemateca'. Otramiente, en tolos materiales de difusión,



distribución o promoción del proyectu, ha constar tamién que la producción cuntó col patrociniu de Llaboral Cinemateca.

2. Realizar una versión de los soportes promocionales gráficos de la obra (cartelería, afiches o otros soportes físicos o dixitales asemeyaos) en llingua asturiana y/o eonaviegu.
3. Mentar na promoción y difusión del proyectu la collaboración dientro del marcu d'ayudes de proyectos de cine asturianu impulsáu dende la Conseyería de Cultura, Política Llingüística y Turismu del Principáu d'Asturies y Llaboral Cinemateca.
4. Autorizar a Llaboral Cinemateca pa facer usu del nome de la empresa productora y/o persona xurídica y la so obra, mesmo que del material gráfico de la mesma p'acciones promocionales o de comunicación de la mesma institución.
5. Ceder derechos de proyección pal so espardimientu a Llaboral Cinemateca y centros dependientes o colaboradores del Gobiernu del Principáu d'Asturies, hasta un máximu de 6 pases.
6. Elaborar y entregar:
  - 6.1.1 Una copia del guion definitivu y una copia de la obra col montaxe definitivu en formatu dixital (calidá h264 o superior). La copia depositada en cumplimientu d'esta contraprestación nun va poder ser retirada nin devuelta.
  - 6.1.2 Memoria final del proyectu, tomando como base la propuesta de proyectu inicial presentáu a la convocatoria, y indicando, ente otres cuestiones, les acciones desenvueltas nel rodaxe, participantes y oxetivos alcanzaos.
  - 6.1.3 Copies de materiales de promoción y difusión de la obra (fotografíes, posters, dossier de prensa, teasers/trailers o otres creatividadaes) p'actividaes vinculaes con Llaboral Cinemateca, la SPXP y la Conseyería de Cultura, Política Llingüística y Turismu.
  - 6.1.4 Memoria económica xustificativa que contenga una llista de gastos realizaos, importes y feches, mesmo que variaciones sobre'l presupuestu orixinal y plan de financiación presentaos nel momentu de la solicitú.

El plazu máximu pa la entrega de dambos documentos/archivos va ser de 18 meses dende la firma del contratu posterior a axudicación. Escepcionalmente, el productor va poder solicitar per escritu una prórroga de dichu plazu.

## 12.- ACEPTACIÓN DE LES BASES

La presentación d'un proyectu a esta convocatoria supón l'acceptación automática y completa d'estes bases.



## ANEXU I \*

**1. DATOS DEL SOLICITANTE**

Denominación Social	
C.I.F.	
Domiciliu	
Representante llegal	
N.I.F.	
Persona de contactu	
Corréu electrónicu	
Teléfonu móvil	
Web	

**2. DATOS DEL AUTOR**

Nome y apellíos	
Fecha y llugar de nacencia	
Biofilmografía	

**3. INFORMACIÓN TÉCNICA**

<b>Títulu de la obra</b>	
<b>Autor</b>	
<b>Cuantía solicitada (dientro de los baremos preestablecíos na convocatoria)</b>	
<b>Descripción curtia del proyectu</b>	
<b>Característiques técnicas y artístiques del proyectu</b>	

**4. DATOS DE LA OBRA**

Títulu	
Director	
Productor/a/es	
Empresa/es de producción	
Sinopsis (Máx. 500 caracteres)	MATECA
Guion	
Fotografía	
Soníu	
Formatu	

*\*Esti anexu habrá unviase, cubiertu convenientemente y cola documentación que rique'l PUNTU 5 de les bases de la convocatoria, al corréu electrónicu [info@laboralcinematca.es](mailto:info@laboralcinematca.es)*

En/N' ....., a .... de..... del 2022.

Pola presente, acepto toles bases de la convocatoria haciendo constar que los datos apurríos nesta ficha d'inscripción son completos y ciertos na so totalidá.

Firma:

(Nome completu y DNI)

## laboral CINEMATECA

### CLAUSULA DE PROTECCIÓN DE DATOS

A los efectos previstos na Llei Orgánica 15/1999, de 13 d'avientu, infórmase-y que los datos de calter personal recoyíos nesti formulariu, son los únicos, afayadizos, necesarios y pertinentes pa solicitar los **PATROCINIOS DE LLABORAL CINEMATECA PA PROYECTOS CINEMATOGRAFICOS**.

Amás, los autores de los proyectos habrán cuntar col consentimientu de los participantes nél.

De la mesma manera, solicítase'l so consentimientu pa poder utilizar el nome de la compañía y/o persona física, la obra, mesmo que'l so material gráfico cola mira de poder facer acciones promocionales o de comunicación, pa lo qu'habilitamos estos recuadros:

- AUTORIZO A USAR LA MIO INFORMACIÓN PA FACER ACCIONES COMERCIALES
- NUN AUTORIZO A USAR LA MIO INFORMACIÓN PA FACER ACCIONES COMERCIALES

Los sos datos van pasar a formar parte d'un ficheru propiedá de SOCIEDÁ PÚBLICA DE XESTIÓN Y PROMOCIÓN TURÍSTICA Y CULTURAL DEL PRINCIPÁU D'ASTURIÉS, S.A.U., prevaleciendo'l deber de secretu y guarda. Usté pue exercer el derechu d'accesu, rectificación, cancelación y oposición nos términos establecíos na Llei, mandando un escritu y una fotocopia del so DNI a esta dirección: SOCIEDÁ PÚBLICA DE XESTIÓN Y PROMOCIÓN TURÍSTICA Y CULTURAL DEL PRINCIPÁU D'ASTURIÉS, S.A.U. (Llaboral Ciudá de la Cultura) en C/ Luis Moya Blanco, 261 - 33203 XIXÓN.

Cubrir tolos apartaos del formulariu ye obligatorio pa poder participar na CONVOCATORIA. N'otru casu la so solicitú va denegase.

laboral  
**CINEMATECA**